



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

S. Gvido Conf. 12. Septembris.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

S. GVIDO CONF. 12. *Septembris.*

ETIAM GVIDONEM humili genere natum ad astra virtus evexit, tutissima eorum scala, qui generosi humi obrepere detrectant. Natalem terram Brabantia dedit. Puer non prius animo hilari esse unquam potuit, quam aut preces Deo, aut egeno stipem dedisset, quam ubi non habuit, ipse scilicet coegit, mendicorum mendicabulum. Adolescens VIRGINIS templo operam suam æditimus addixit, guarus cæli portam esse, quam curaret. A tam sancto munere cum à mercatore persuasus mare conscendisset, & ventos & Superos adversos sensit, quin remo manum tandiu exinere non potuit, quousque hanc redux VIRGINIS aræ supplicem tetendit, manifesto in hujus transfugas exemplo. Sanctius postmodum iter instituit, cum Romam & Hierosolymas aliosque Christianis vestigiis nobiles locos petiit, septemque ipsos annos talem se, quales omnes sumus, peregrinum vendidit. Hinc cum fesso DEVS quietem donare vellet, in lectulum dejecit. Hoc cum æger Anderlaci decumberet, columba è cælo multo lumine corusca advolavit, simul vox audita est, quæ *ad coronam dilectum* invitavit. Enimverò lubens paruit. Orbe scilicet pererrato, restabat ut astra viseret;

viseret; quam viam an illi iuvenes insistant, qui Gallias nunc & Italiam petunt, tibi, qui hæc legis, iudicium esto. *Ex Surio.*

S. MAVRILIUS EP. 13. Sept.

**M**AVRILIO patria Mediolanum, parentes illinc nobiles, vita Magister D. Martinus fuere. Ab hoc & sacerdotio & infula Andegavensi condecoratus est, factumque calculo suo candidissima columba probavit capiti MAVRILII obvolitans. Mito plurima prodigia. Vos qui animas, qui juventam curatis, ad unicum animum advertite. Parvulus, isque moriturus sacro chrismate firmandus erat. Dum sacris MAVRILIVS plusculum immoratur, emoritur ille. Nimirum hoc suum facinus Pontifex credere, non expiandum, nisi munere abdicato. Proinde se iudice exul clam navim conscendit, lapsisque in mare, quas secum ferebat, templi clavibus, vovet non prius patriam visurum, quam claves amissas. Mox trajecto mari servum se viro principi addicit hortumque colit ille nuper Italiae unicus flosculus, iam annis omnino septem tota Europa à suis quaesitus, Angeli de num indicio inventus est. Tot preces precibusque mista lacrima, redditaque à pisce, qui navim insilierat, claves, & promissa puero